

www.BibleForChildren.org


Matéo 8



Uje dirode gadioque iji udojo quigade enga ore pésu
dajñamini iji ore idai uje i tu Caná uje déji ore uniri
Galiléa. Jnacari, gapua ore chisa ñane iji gu. Enga
Jesús daté déji ore gari to. Enga ore tibidi Jesús, jé aja
acadigode ore to ujetiga ore cháta rágaja ore to iji ore
ajñamini.



Uje e íjnoque ore jodi víno enga Jesúsdaté
chojningame Jesús: –E íjnoque víno iji ore.– Mu
Jesúsdaté e catecãri ore irógode uje ore chisi ore iji
víno enga chojninga: –Beyoi uté ojningane cucha
jnese.–



Jesús chojningame ore irógode: –Beyoi
enga ãretáyo cojnanie uniji ome yodi.– Ga
ore doi yodi ga ore chĩreta cojnanie ome
yodi enga iragupúsu jnese.



Jesús e chojninga: –Beyoi engá ajnicho
garósi engá boyo údi aja ore ajñamini
gajnesõri ujetiga chetingare.– Jecute ore
doi Jesús uruode.



Ga ore ajñamini gajnesõri doi ga chetingare yodi. Mu
yodi nóña ga víno u. Enga que uté chiraja garãtique
go. Gusu ore irógode u uje
ore chiraja garani. Ore u
gu uje ore ijnimique yodi.
Jecute ore ajñamini
gajnesõri uté doi enga
tibidi jnacari uté uje
quene chisa
dacoté.



Enga chojningame: –Jé bajosigode ñrique uje quene
basi ome víno uneréjnai ome yoque. Uje que pisocai
uté go iji pajñaminone iji
deréjnane. Uje jecucha
ore chisi ome víno
uneréjnai ome yoque
bajaque. Enga uje ore
ibidigode uyoque
subudé yóguiji
enga ore chisi
ome víno
gajnarei ome
yoque.–




Jesús pésu dapesútedaté bajai uté iji ore idai Caná iji
ore uniri Galiléa, uje chécãre yodi
enga nóña enga víno. Enga
isocai u uje chingo dáringai
cuchape aja ore. Jecute
acadigode ore
changuretapise
to.



Jesús chacája Simón Pédro iguínai
enga chise ejo iji mochápi uje
ducosi tagu gu.



Enga jé u uje Jesús chisa jmanai. Enga jĩraque ducosi jnoji, enga úringai ijõre jogadi jé u. Uaté niji iji damochápi enga jé u uje pésu ore posode, enga ore tagu.




Uje e chise dejai rĩ, mu ayoré dipeséode qué ore di
darása ejnaretade údi aja Jesús ujetiga chiquetape ore
to. Jé aja Satanás
utocaidode ore isagode
ore to rĩ. Enga guidai
idaisórone jnese ore
pésu dáguedaté iji
Jesús upusiédi
guiguíjna uté piagoi.



Enga Jesús chiqueta ejnaretade ore jnese iji uague uaté
ujade. Uje ore ejnaréngone cha ñane yúode. Ga uté
chatapója Satanás utocaidode isagode rĩ uje chiqueta
ore. Mu chaquĩra darade ome Satanás utocaidode uje
chiroque ore aja guesi iji ore isagode ayoré. Chamáñaje
ore chiraja úringai Dupade ujnacare gu.



Jecute ayoréode uñéngo ore ajegaidi u ujetiga ore
chijocase Jesús uje ore chiraja gu uje uté ujopié a
chuságaja ore jne ga a chiqueta ore ome dajopié
ujetiga ore
chijocase.



Jecute jnaníringo ore di dojórique jnani údi iji uje
poritaque uté enga que toque ujetiga uté dique.
Jnungórone gagájni ore ome uje ore chijnáji dajai.



Mu que togome ore ujetiga ore
chise Jesús iji charidi uje ayorébui
irágu ejode gu. Jecute ore
cheru guiguínai ome. Ga
ore pésu edóraqe iji
guiguínai ójo.



Enga ore chigaru jnani ejnarétai
tuté mochápi eruéode ome
ducarigode. Enga jé u uje ore
chiramurase Jesús gai iji
charidi uté.



Uje Jesús chimo jnanione udore ore anguretigade ome
re engá jé u uje chojningame
udore ore jōrai ejnarétaque:

–A yĩro basijnaringuéone
jnese jne.– Enga
chósi tome:

–Yojningai tu ua
ujetiga āriji, ga asa
bamochápi, ga bo
ga acáji
baguíjnarique.–




Quigade enga Jesús nóna dacadigode aja uraque dabi
cuco. Qué ore déji yote quedéjnai
ajei uje qué ore chiramísara mu
Jesús mo. Jé u uje úyujna
cucháberaque chorei ore
iji yote quedéjnai
gatócoro. Enga yodi
chĩreta cucoi ajei.



Jesús chajnai ore enga chojninga: –¿Jé gotique gu a uacasadodéringai? A garósi uacanguretigai.– Jé u uje Jesús cháguena ore ajei enga botare úyujna, yote quedéjnai ore. Enga jĩraque úyujna cho jnaque. Jé u uje yote quedéjnai cho paráguiji jnumi. Enga acadigode tijapísa átedatéi. Enga jé u uje ore catecãri ñane enga ore

chojninga: –¿Chimo jóroque re uje uté chaquĩra yote quedéjnai, úyujna ore enga ore doi uruode?–



Enga Dupade chijnorapise erámi
jogosórone ore. Jecute tẽra dajnacare
ugurui ome ore. Ujetiga gosi changureta
enga gajneque pucuecaringué
eyúgojmai iji deréjnane jnese.
Enga a ca chimo Dupade
ujuyaquédatéi jne
ome re.



Romános 3:23 Chamáñaje sijnaque yoque jnese gu. Enga
que toque go Dupade ingoningájnai úringárique
diquiyágame yoc.

Romános 6:23 Pisijnaringuéone a cho darógode oré jne,
enga oré u pitoringai ome ore. Jé basa Dupade guẽrate
bisidei u pucuecaringué eyúgojmai ga gose
Yocangarádejnai Jesucrístico adode ome uyoc.

Hebréos 9:27 Adi jé u uje yitogoi enga chojmára to. Enga
quigade u uje pajirique yocadode aja quigode enga
pipesute yoquiquigode rĩ.

Efésios 2:8,9 Jecute adójnacho uje Dupade e chiqueta
uaque gu dacaniratiguédatéi ome uacanguretigai iji uté.
Enga que garani u uacadode uñeque go. Mu Dupade
guẽrate bisideque uacáringane piquetaque ome uaque.



Que toguírase arña ujetiga ayorérique ipesutique cucha
uñeque chiborátarásaja uté gosi úringárique piquetaque.

Enga qui tu gu jetiga jé ca uñeque chosi riji gaté ga
chojningárasa ome dajoyaquéode: "Dupade chiqueta yu gu
yátegoningáne udore."

Romános 10:9,10 Jecute yocacajnaquéode quigode chósi
tome uaque: Ujetiga atata uje "Jesús u Pangarádejnai"
ome babijnani uté iji bojode ayoré edominone, enga
banguretápo rĩ iji báyipie uje Dupade chiringare Jesús uté
iji úringai toque, enga a báringai piquetaque jogadi u jne
ome Dupade.

U gu uje gosi changureta iji dáyipie, enga Dupade cho
ayoré ujñapetáguiji uté; enga uté gosi chatata danguretigai
uté iji dojode ayoré ore edominone, enga jé u uje pijógome
dáringai piquetaque.



Juan 3:16,17 Enga Dupade chijnorapise erámi jogosórone ore. Jecute tẽra dajnacare ugurui ome ore. Ujetiga gosi changureta enga gajneque pucuecaringué eyúgojmai iji deréjnane jnese. Enga a ca chimo Dupade ujuyaquédatéi jne ome re.

Dupade que ajéode u ujetiga chiroque dajnacari aja erámi ujetiga cho dajuñame ore. Mu chirógaja erámi gu ujetiga chiqueta ore.



1 Juan 5:11-13 Enga Dupade ojningane cucha u uje
Dupade chisi ome pucuecaringuei iji deréjnane ome
yoque. Enga pucuecaringuei uté jõrai u Ujnacari úringai
pangurete.

Jecute gosi uje Dupade Abi déji gari, enga pucuecaringuei
iji deréjnane dépoji gari to rĩ. Mu ujetiga ca Dupade Abi déji
gosi, enga que gajneque pucuecaringuei to uje déji
Dupade Abi.

Yurusarane unojo gajnengórone u uaque uje
uacanguretáyo Dupade Abi, ujetiga arajáyo to uje Dupade
guerani pucuecaringué gajnengórone u uaque iji
deréjnane jnese.



Matéo 8-9; Márcos 1-2, 4; Lúcas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ayoreo (ayo) © 2021 Ethnos360

<https://www.bible.com/en-GB/bible/2825/GEN.1.AYORE>

©2025 Bible for Children, Inc.

www.M1914.org

www.bibleforchildren.org

